



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Iustitia || Britannica,|| Sive || Anglica,|| Qvae Contra
Chri-||sti Martyres Conti-||nenter exercetur**

Sander, Nicholas

Ingolstadii, 1584

VD16 S 1610

Series Et Catalogvs Eorvm, Qvæ In Anglia Svperioribvs Annis Contra
Christi Ecclesiam acciderunt, ex doctissimi Theologi Nicolai Sanderi libris
de Monarchia Ecclesiæ.

urn:nbn:de:hbz:466:1-11272



SERIES ET CATALO-
GVS EORVM, QVÆ IN ANGLIA
SVPERIORIBVS ANNIS CONTRA CHRI-
STI Ecclesiam acciderunt, ex doctis-
simi Theologi Nicolai Sanderi
libris de Monarchia
Ecclesiæ.



ENRICVS V III. *Angliæ*
Rex, in assertione septem
Sacramentorum aduersus
Lutherum, Art. 2. Negare
Lutherus non potest, quin
omnis Ecclesia fidelium sa-
cro sanctam sedem Romanam, velut matrem
primatemq, recognoscat ac veneretur, quæ-
cunq, saltem neq, locorum distantia, neq, peri-
culis interiacetibus prohibetur accessu. Quan-
quam si vera dicunt, qui ex India quoq, veni-
unt huc, Indi etiam ipsi, tot terrarum, tot ma-
rium, tot solitudinum plagis disiuncti, Roma-
no tamē se Pontifici submitunt. Ergo si tan-

B
tam,

tam, ac tam latè fusam potestatē, neq; Dei iussu Pontifex, neq; hominum voluntate consecutus est, sed sua sibi vi vindicavit, dicat velim Lutherus, quando in tantæ ditionis erupit possessionem. Non potest obscurum initium esse tam immensæ potentia, præsertim si intra memoriam hominum nata sit. Quod si rem dixerit unam fortasse aut duas ætates superare, in memoriam nobis rem redigat ex historiis. Alioqui si tam vetusta sit, ut rei etiam tantæ oblitterata sit origo: legibus omnibus cautum esse cognoscit, ut cuius ius omnem hominum memoriam ita supergreditur, ut sciri non possit, cuiusmodi habuerit initium, censeatur habuisse legitimum, vetitumq; esse constat omnium consensu gentium, ne, quæ diu manserunt immota, moueantur. Certè si quis rerum gestarum monumenta reuoluat, inueniet iam olim protinus post pacatum orbem plerasque omnes Christiani orbis Ecclesias obtemperasse Romanæ. Quin Græciam ipsam, quanquam ad ipsos commigrasset Imperium, reperiemus tamen, quod ad Ecclesiæ Romanæ Primatum pertinebat,
præ-

præterquam dum schismate laborabat, Ecclesia Romana cessisse.

FIDES IOANNIS ROFFENSIS, de Primatu Romanæ Sedis, quam fidem martyrio etiam sanguinis sui confirmavit.

IOANNES Roffensis Episcopus, in Articulo 25. contra Lutherum, postquam decem prærogativas Petri ex Euangelistis, aliasq; decem exactis Apostolorum collegisset, eamq; sententiam Patrum antiquorum testimoniis corroborasset, unitatemq; militantis Ecclesiæ ab unitate Episcopatus Petri pendere docuisset; tandem ait: In synagoga quæ fuit umbra Ecclesiæ, præfuit vnus Princeps sacerdotum, sub quo multi gradus & ordines fuerunt. Ecclesia enim triumphans, cui velut exemplari nostra militans respondet, vnum habet Præsidem Deum, sub quo nouem Angelorum ordines esse, cunctis est creditum. Quomodo igitur Ecclesia, quæ media inter umbram